

**Deskursu Badak hosi S.E. Sr. Yoshitaka HANADA, Embaixador  
Japaun nian ba Timor-Leste, iha Inagurasaun Sisitema Bemos uza  
Solar Panel iha Oesilo, Distritu Oecusse**

5 Outobru, 2012

Senyoras i Senyores,

Bomdia,

Hau kontenti tebes mai iha ne'e ohin loron atu selebra kompletamentu "*Projetu Instalasaun ba Sistema Bemos uza Solar Panel iha Oesili, Distrito Oecusse*". Hau mos kontenti tebes katak Governu Japaun iha ona oportunidade ida atu kontribui ba projetu importante ida nee desde desenvolvimentu rurais sai hanesan area prioridade ida hosi assistensia Japaun nian ba Timor-Leste. Atu ajuda projetu ida nee, Governu Japaun fornese ona ONG nasional Y-ACT ho fundu hamutuk 97,643 dolares Amerikanu liu-hosi Fundu Assistensia ba Projetu Seguransa Humana iha Area Rurais (GGP).

Ho fundu hosi Japaun, ONG Y-ACT konstrui ona sistema bemos uza makina solar panel iha Aldeia Oenoa, Suco Bobometa. Povu hosi aldeia Oenoa no Oebaha iha mehi ida naruk tebes atu bele asesu ba bemos no hetan livre hosi bemos kontamina ho moras. Partikularmente iha tempu bai-loron, sira lao ain ba be matan ho distansia dok tebes hosi komundidade. Projetu ne'e sei fornese bemos ba aldeia Oenoa no Oebaha no atu prevene be hosi kontiminasun moras ruma. Ida ne'e mos sei ajuda povu sira sai hosi naha todan ida atu kuru bemos.

Planu Estratejia Dezenvolvimentu Timor-Leste nian, hatur ona dehan katak "to'o tinan 2030, sidadaun hotu iha Timor-Leste sei hetan asesu ba bemos no saneamentu ne'ebe diak." Atu hetan objetivu nee, hau husu povu iha Suco nee esforsu aan tomak hodi uza fasilidade proprio no halo manutensaun ho diak ba tempu narauk hanesan ita boot nia rasik. Esforsu hotu ne'e mak iha hosi komundidade sei tulun Timor-Leste atu hetan objetivu hosi PEDN.

Ikus liu, Hau hakarak hato'o obrigado no respetozu ba membru ONG sira,ofisiais governu nian refere no povu sira ba esforsu ne'ebe sira halo atu



hetan projetu sai realidade. Hanesan tinan 2012 marka ona dezimu aniversario ba relasaun amizade diplomatiku entre nasaun rua, hau hein katak projetu nee sei servi diak liu ba nesesidade baziku hosi komunidadade no sei hametin relasaun amizade entre povu rai rua ba tinan sanulo oin mai.

Obrigadu Barak

(Remata)